




Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 07 shkurt 2022
Kodi i ZRRE: V_1484_2022

Bordi i Zyrës së Rregullatorit për Energji,

Duke u bazuar në:

- Dispozitat e Nenit 9, paragrafi 1, nën paragrafi 1.7, Nenit 15 paragrafi 1 nënparagrafi 1.5, Nenit 25, Nenit 26 paragrafi 1, nën paragrafi 1.2, Nenit 46 paragrafi 1 nënparagrafi 1.1, Nenit 47 paragrafi 3 nënparagrafi 3.3 dhe Nenit 48 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 16 dhe 22 të Ligjit për Energjinë Elektrike (Ligji Nr. 05/L-085);
- Dispozitat ligjore të Rregullës Nr. 03/2017 për vendosjen e të hyrave të lejuara maksimale të Operatorit të Sistemit të Transmetimit dhe Tregut (Rregulla për Të Hyrat e OST/OT-së);
- Rregulla e ZRRE/Nr.10/2017 për Skemën Mbështetëse për Gjeneratorët e Burimeve të Ripërtëritshme të Energjisë;
- Vendimin e ZRRE-së Nr. V_1028_2018 të datës 24 shtator 2018, lidhur me aprovimin e të Hyrave të Lejuara Maksimale për periudhën e dytë rregullative 2018-2022, për Operatorin e Sistemit të Transmisionit dhe Tregut (OST/OT);
- Njoftimin e ZRRE Nr. 643/21 të datës 13.12.2021 për Shqyrtim të Jashtëzakonshëm të Të Hyrave të Lejuara Maksimale për operatorët e Rregulluar;
- Aplikacionin e Operatorit të Sistemit, Transmisionit dhe Tregut – OST/OT për Shqyrtim të Jashtëzakonshëm të Hyrave të Lejuara Maksimale për Operatorin e Sistemit, Transmisionit dhe Tregut, të dorëzuar më datën 23 dhjetor 2021;

në seancën e mbajtur më 07 shkurt 2022 nxori këtë:

V E N D I M

- I. APROVOHEN TË HYRAT E LEJUARA MAKSIMALE (HLM) që do të mblidhen nga Operatori i Sistemit, Transmisionit dhe Tregut – OST/OT (KOSTT SH.A.), përmes Tarifave për Shfrytëzim të Sistemit të Transmetimit, Operimin e Sistemit dhe Operimin e Tregut, nga data 09.02.2022 deri në shqyrtimin e ardhshëm tarifor.**
- II. Të Hyrat e Lejuara Maksimale për OST/OT për vitin relevant tarifor 2022 do të jenë 38,884,982 Euro, prej të cilave, Fondi për Burimet e Ripërtëritshme të Energjisë përbën 3,906,056 Euro.**

- III. OST/OT duhet t'i përgatisë dhe dorëzojë për aprovim në ZRRE tarifat për Shfrytëzim të Sistemit të Transmetimit, Operimin e Sistemit dhe Operimin e Tregut, bazuar në HLM për OST/OT, sipas këtij Vendimi.
- IV. Tarifat e propozuara nga OST/OT duhet të jenë në përputhje me Metodologjitë e Përcaktimit të Tarifave të Operatorit të Sistemit të Transmetimit, Operimit të Sistemit dhe Operimit të Tregut dhe Metodologjinë e Taksave të Kyçjes në Rrjetin e Transmetimit, të aprovuara nga ZRRE.
- V. Ky vendim do të zbatohet nga Operatori i Sistemit, Transmisionit dhe Tregut – KOSTT sh.a. duke filluar nga 09 shkurt 2022 deri në shqyrtimin e ardhshëm tarifor.

ARSYETIM

- o Zyra e Rregullatorit për Energji (ZRRE) më datë 13.12.2021 ka iniciuar Shqyrtim të Jashtëzakonshëm të të Hyrave të Lejuara Maksimale për operatorët e rregulluar, duke përfshirë edhe Operatorin e Sistemit, Transmisionit dhe Tregut.
- o ZRRE sipas njoftimit të saj, ka vlerësuar se ekzistojnë argumente të qarta dhe në bashkërendim me procesin e fundit tarifor, ka konstatuar se ka indikacione të tejkalimit të pragut të materialitetit prej 5 % në të Hyrat e Lejuara Maksimale të operatorëve të rregulluar të energjisë elektrike.
- o ZRRE në vazhdimësi ka monitoruar situatën e furnizimit me energji elektrike dhe nga analizat e bëra, ka konstatuar se si pasojë e mbizotërimit të çmimeve të larta të energjisë elektrike në bursat ndërkombëtare, është rrezikuar siguria e furnizimit për konsumatorët fundorë me energji elektrike. Duke qenë se kostot e blerjes së energjisë me shumicë janë jashtë kontrollit të operatorëve, konform kornizës ligjore të rregullimit, ZRRE ka iniciuar shqyrtim të jashtëzakonshëm të HLM për operatorët e rregulluar, me qëllim të ruajtjes së sigurisë së furnizimit për konsumatorët e energjisë elektrike dhe reflektimit të kostove të furnizimit.
- o Prandaj, mbështetur në kornizën ligjore në fuqi, ZRRE ka hapur shqyrtimin e jashtëzakonshëm të të Hyrave të Lejuara Maksimale për Operatorin e Sistemit të Transmetimit dhe Tregut.
- o ZRRE me datë 23 dhjetor 2021 nga Operatori Sistemit të Transmetimit dhe Tregut – KOSTT SH.A ka pranuar aplikacionin për Shqyrtim të Jashtëzakonshëm të Hyrave të Lejuara Maksimale.
- o ZRRE me datë 17 janar 2022 ka publikuar Raportin Konsultativ-Shqyrtim i Jashtëzakonshëm i të Hyrave të Lejuara Maksimale të Energjisë Elektrike për Operatorët e Rregulluar.
- o Raporti Konsultativ ka paraqitur qëndrimet e ZRRE-së për shqyrtimin e jashtëzakonshëm të HLM për të mbuluar ndryshimin e ndjeshëm në kostot e blerjes së energjisë elektrike dhe për të garantuar sigurinë e furnizimit me energji elektrike për konsumatorët. Raporti është vënë në diskutim publik me synimin që të marrë komentet e palëve të interesit për propozimet e ZRRE-së.

- o Operatori i Sistemit të Transmetimit dhe Tregut ka dorëzuar komente me datë 25 janar 2022, ndaj Raportit Konsultativ - Shqyrtim i Jashtëzakonshëm i të Hyrave të Lejuara Maksimale të Energjisë Elektrike për Operatorët e Rregulluar.
- o ZRRE gjatë konsultimit publik, ka pranuar informata të përditësuara nga Operatori i Sistemit të Transmetimit dhe Tregut, të cilat janë shqyrtuar dhe analizuar gjatë vlerësimit përfundimtar.
- o ZRRE, ndër të tjera ka trajtuar të gjitha komentet e OST/OT lidhur me humbjet në transmetim, shërbimet ndihmëse, Fondin për BRE, detyrimet e mbetura të KEK SH.A ndaj konsumatorëve dhe kostot e devijimeve ndaj interkoneksionit, si dhe komentet e palëve të inetrësitet në lidhje me çmimet e importit.
- o Raporti përfundimtar i Shqyrtimit të Jashtëzakonshëm të Hyrave të Lejuara Maksimale për operatorët e Rregulluar, përfshirë edhe të operatorit OST/OT, përfshinë vlerësimet përfundimtare dhe përgjigjet në komente të palëve të interesit.
- o Bordi i Rregullatorit pas vlerësimit dhe analizimit të raporteve relevante dhe pas shqyrtimit të komenteve të pranuar nga palët, dhe duke u mbështetur në dispozitat ligjore të cekura në hyrje të këtij Vendimi, ka vendosur si në dispozitiv të këtij Vendimi.

VI. Vendimi nxirret dhe publikohet në gjuhët zyrtare në Republikën e Kosovës.


VII. Vendimi hyn në fuqi në datën e miratimit nga Bordi i ZRRE-së, dhe i njëjti do të publikohet në ueb faqen zyrtare të ZRRE-së.

Këshillë juridike: Pala e pakënaqur me këtë vendim mund të inicioj konflikt administrativ në Gjykatën kompetente, brenda tridhjetë (30) ditëve, nga data e pranimit të vendimit ose data e publikimit të tij në faqen elektronike të ZRRE-së, cilado që ndodhet e fundit.

Bordi i ZRRE-së:




Ymer Fejzullahu, kryesues




Selman Hoti, anëtar



Izet Rushiti, anëtar



Lutfije Dervishi, anëtar



Gani Buçaj, anëtar

Vendimi iu dërgohet:

- KOSTT, dhe
- Arkivit të ZRRE-së.